

1256/HS
MAHATHIR

1977

KUALA LUMPUR, 25 APRIL (BERNAMA)—DR. MAHATHIR MOHAMAD BERKATA HARI INI PERANCANGAN BAHASA YANG SEMPURNA BOLEH MEMPERKUKUHKAN KEDUDUKAN SESUATU BAHASA KEBANGSAAN DAN SISTEM PELAJARAN.

KATANYA, LANGKAH ITU JUGA BOLEH MENJADIKAN BAHASA TERSEBUT LEBIH SAINTIFIK DAN AKADEMIK SERTA MERUPAKAN PERKARA PENTING DALAM RANCANGAN PEMBANGUNAN NEGARA-NEGARA MEMBANGUN.

MERASMIKAN PERSIDANGAN GABUNGAN PERSATUAN BAHASA-BAHASA KEBANGSAAN ASIA DI SINI, TIMBALAN PERDANA MENTERI BERKATA, DI MALAYSIA SEBELUM MEREKA RAKYAT DIKEMUKAKAN DENGAN BERBAGAI BAHASA SEBAGAI BAHASA PENGANTAR.

KATANYA, JIKA RAKYAT DAPAT DIDIKIK DALAM SATU BAHASA YANG SAMA "MAKA KITA PASTI DAPAT MENGUJUDKAN SEBUAH NEGARA YANG BERSATUPADU, NEGARA YANG RAKYATNYA TIDAK PRASANGKA TERHADAP SATU SAMA LAIN DAN NEGARA YANG BANGGA DENGAN IDENTITINYA SENDIRI."

DR. MAHATHIR YANG JUGA MENTERI PELAJARAN MENAMBAH, JIKA LANGKAH TERSEBUT DIJALANKAN SECARA SISTEMATIK, PERANCANGAN BAHASA BOLEH MERAPATKAN LAGI NEGARA DENGAN PERKEMPANGAN BIDANG-BIDANG PENGAJIAN YANG MODEN DARI LUAR. -- BERSAMBUNG HM 1400

MAHATHIR 2 KUALA LUMPUR

221

BERBAGAI KAEDAH TELAH DIMASUKKAN KE DALAM PERANCANGAN BAHASA SEPERTI PENGAJARAN BAHASA YANG SISTEMATIK DAN PADUAN RANGKAIKATA-RANGKAIKATA SAINTIFIK YANG BOLEH DITERIMA DAN DIGUNAKAN OLEH PAKAR DALAM BERBAGAI BIDANG SAINS.

TERDAPAT JUGA PENYAMAAN EJAAN DAN PENYUSUNAN KAMUS YANG BOLEH DIGUNAKAN OLEH RAKYAT YANG MENGUASAI SATU ATAU DUA BAHASA.

DR. MAHATHIR BERKATA, BUKU-BUKU YANG DITULIS DALAM BAHASA KEBANGSAAN OLEH PARA AKADEMIK DAN SAINTIS BOLEH MELAHIRKAN ILHAM KEPADA RAKYAT DI CAMPUNG MEMBENTUK BAHASA TERSEBUT SEBAGAI BAHASA YANG HIDUP.

DI MALAYSIA, KATANYA, PENJAJAHAN TELAH MELAHIRKAN SALAH PENGERTIAN BAHAWA BAHASA KEBANGSAAN TIDAK BERKEUPAYAAN MENJADI BAHASA AKADEMIK DAN SAINTIFIK.

BELIAU YAKIN JIKA RAKYAT MEMPUNYAI KEAZAMAN YANG KUAT UNTUK MENINGKATKAN BAHASA KEBANGSAAN MEREKA DAN TIDAK MEMBIARKANNYA SEBAGAI BAHASA PASAR SAHAJA, BAHASA TERSEBUT AKAN SESUAI DIGUNAKAN BAGI APA BIDANG SEKALIPUN. -- BERSAMBUNG 1405/1B

V&E

B535:

MAHATHIR 3 KUALA LUMPUR

TERDAHULU DARI ITU, KETUA JABATAN PENGAJIAN BAHASA MELAYU UNIVERSITI MALAYA, PROF. ISMAIL HUSSEIN BERKATA, DALAM USAHA MEMPERTAHANKAN PENGGUNAAN BAHASA KEBANGSAAN, KESETIAAN DAN PENYERTAAN GIGIH KAUM CERDIK-PANDAI ADALAH PERLU.

LEBIH 30 KERTASKERJA AKAN DIBENTANGKAN DI PERSIDANGAN ENAM HARI ITU YANG DIHADIRI OLEH PESERTA-PESERTA DARI MALAYSIA, INDONESIA, SINGAPURA, THAILAND, INDIA, JORDAN, AMERIKA SYARIKAT, BRITAIN, PERANCIS, JERMAN BARAT, CANADA DAN AUSTRALIA. -
BERNAMA 1407/1B